

I Z V J E Š T A J

O radu Saveza udruženja logoraša Kantona Sarajevo i projekti koji su realizovani u 2005, 2006, 2007 i 2008 godini

Savez udruženja logoraša kantona Sarajevo je nevladina asocijacija i sastoji se od 9 općinskih udruženja :Stari grad i Centar, Novo Sarajevo, Novi grad, Ilidža, Ilijaš, Hadžići i Vogošća,a našem Savezu su priključeni još Udruženje logoraša Goražde i Udruženje logoraša Foča ex-teritorijalno, sve dok se ne steknu uslovi za njihovo formiranje u matičnim kantonima, odnosno RS-oj. Ovaj Savez broji oko 6.000 članova, od čega je oko 4.800 muškaraca i 1.200 žena, iako se ovaj broj stalno povećava jer još uvijek traje registracija članova.

Pored brojnih programskih zadataka, težište rada Upravnog odbora bilo je obezbjeđenje sredstava za rad Saveza od strane Budžeta Vlade Kantona, humanitarno-socijalne pomoći članstvu u hrani, odjeći, obući i ogrijevu, obezbjeđenje donatora za adaptaciju i sanaciju stanova i kuća, posredovanje kod ostvarivanje zdravstvene zaštite, organizovanje i učestvovanje u manifestacijama Dana logoraša, obazbjeđenje mjesečnih povlaštenih karata za gradski prevoz, jednom rječju kazano radili smo na sveukupnom poboljšanju uslova života onih koji su bili žrtve logora.

I Saradnja sa ministarstvima i institucijama Vlade Kantona i Federacije:

Ministarstvo za boračka pitanja KS:

Putem Ministarstva za boračka pitanja obezbjedili smo donacija u građevinskom materijalu

Građevinski materijal:

2005	2006	2007	2008
3 člana	11 članova	4 člana	2 člana

Također putem ovog ministarstva naši članovi su otputovali u banju «Aqaterm» u Olovu na sedmodnevni besplatni boravak , gdje su bili zastupljeni svi članovi udruženja,

Banjska rehabilitacija članova:

2005	2006	2007	2008
55 članova	51 član	49 članova	45 članova

Putem istog ministarstva obezbjedili smo i ogrev u drvima (2 kubika drva i 2 tone ćumura) što je podijeljeno po udruženjima :

Ogrev:

2005	2006	2007	2008
30 članova	30 članova	30 članova	30 članova

FOND "IKRE"

-Fond „Ikre“ je obezbjedio školski pribor i udžbenike za članove populacije kao i nekoliko stipendiju za 3 naše članove

Školski pribor u udžbenici:

2005	2006	2007	2008
21 član škol. pribor +50 KM za udžbenike	21 član škol.pribor +50 KM za udžbenike	Stipendije za 2 člana Užina za 29 čl. 39čl. školski pribor	Stipendija za 1 člana

Ministarstvo rada i socijalne politike KS

Prvi put ove godine smo aplicirali kod ovog ministarstva koje je odobrilo projekat koji je vezan za školu šivenja u iznosu od 3.600 KM, a nadamo se da će i u budućnosti imati razumijevanje za članove naše populacije.

2005	2006	2007	2008
			Nabavka šivaćih mašina i šivaćeg materijala (zajedno sa UN-Ženeva i Allianz)

II Saradnja sa nevladinim i humanitarnim organizacijama:

-Svih ovih godina smo nastojali pojačati humanitarne programe za poboljšanje životnih uvjeta naših članova, a što bih posebno naglasila jeste da se sva podjela donacija vršila direktno u prisustvu donatora:

-Njemačka organizacija

Ova organizacija je u 2003. godini startovala sa nekoliko aktivnosti kao što je podjela prehrambeno-higijenskih paketa, podjela odjeće, obuće i posteljine, otvaranje škole kompjutera u našim prostorijama, a u kasnijem periodu, nakon intervjua sa članovima započela je sa donacijom namještaja, bijele tehnike, i onoga za šta su članovi izrazili želju da im je neophodno, zatim donacijom kompjutera onih koji su završili našu školu i sl.

U periodu od 2003. do 2004. godine ova organizacije je podijelila 436 paketa. Do sada je ukupno podjeljeno oko 800 paketa uključujući i naše članove u Bratuncu, Tesliću, Zenici i Tuzli.

Prehramb.-higijenski paketi:

2003	2004	2005	2006	2007	2008
80 paketa	356 paketa	213 paketa	100 + 95 manjih paketa		

Podjela odjeće, obuće i posteljine

2005	2006	2007	2008
Goražde + Bratunac	100 članova	400 članova	800 članova

U 2006. godini ova organizacija je krenula sa dnacijom namještaja, bijele tehnike i kućnih potrebtina za koje su naši članovi izrazili potrebu tokom razgovora i intervjuja sa njima. Do sada je ukupno donirano za 284 člana naše populacije. Ova aktivnost se nastavlja i u narednom periodu.

Donacija namještaja :

2005	2006	2007	2008
	August 100 čl.	Maj 63 čl. Nov.-38 čl. (101 član)	82 maj/juni + 1 nov- Bioča + 45 Bratunac

Ova organizacija je otvorila školu kompjutera u prostorijama našeg ureda u 2005. godini i do sada je ukupno završilo 408 članova početne kurseve Word i Windows a oko 192 člana i napredni Excell i Powerpoint.

Škola kompjutera:

2005	2006	2007	2008
Word i Windows 78 članova	Word i Windows 120 članova + 45 čl.Excell	Word i Windows 140 članova + 80 Excell	Word i Windows 70 članova + 67 Excell

U skorijoj budućnosti imaju namjeru uvesti i obuku na Internetu.

Tri člana naše organizacije su predavači-instruktori na toj školi i za to primaju određenu novčanu nadoknadu. Također želimo naglasiti da je ova organizacija donirala i kompjutere za one članove koji su uspješno završili kurseve u našoj školi, tako da stečena znanja i obuku mogu primjenjivati u kućnom ambijentu. Do sada su 83 člana dobila pomenute kompjutere. Ta će se praksa nastaviti i u buduće.

Donacija kompjutera:

2005	2006	2007	2008
5 za školu kompjutera	17 kompj.	36 kompj.	30 kompj.

I možda najuspješniji projekat jeste škola šivenja koju je ova organizacija osnovala još u 2005 godini i koja je krenula sa projektom meda, koje je njemačka organizacija prodavala u Austriji. Škola šivenja je otvorena kao rezultat nastojanja da

vratimo dostojanstvo i samopouzdanje članica organizacije u društvu u kojem su toliko propatile, jednostavno da vratimo stabilnost u njihov život.

Izrada i šivanje meda:

2005	2006	2007	2008
6 šivaćih mašina	Projekat meda	Projekat meda	Projekat meda

“FOKUS”

Organizacija "Fokus" je jedan od naših najboljih donora i startovala je sa finansiranjem naše organizacije u 2006 godini sa projektom "Psiho-socijalna rehabilitacija članica putem kursa šivenja". Naime oni su potvrdili da je radno-okupaciona terapija najbolja terapija u liječenju trauma i psiholoških problema nastalih tokom zatočenja u logorima i općenito rata.

Kurs šivenja:

2005	2006	2007	2008
	10 članica	78 članica (67 novih + 11 stalnih čl.)	82 članice (73 nove +9 stalnih čl.)

Ista organizacija je finansirala psiho-socijalnu rehabilitaciju naših članova i članica u planinarskom domu na Igmanu “Hrasnički stan” u 2007 i Dejčići-Husremovac u 2008.

godini, što je imalo izuzetno povoljan efekat na psihičko zdravlje naših članova.

Rehabilitacija članova na planini:

2005	2006	2007	2008
		132 članova	137 članova

Također navedena organizacija je odobrila kupovinu 2 stana za privremeni smještaj članica naše asocijacije, koje se ne mogu vratiti na predratna prebivalište u Istočnu Bosnu a koje su tokom rata bile žrtve silovanja i seksualne torture počinjenih u logorima.

Kupovina stanova:

2005	2006	2007	2008
"Wings of Hope" 7 stanova		prvi stan mart drugi decembar	

Organizacija „Dobrovoljni Fond za žrtve mučenja“

Organizacija "Dobrovoljni Fond za žrtve mučenja" iz Ženeva je već dugi niz godina naš stalni donator koji odobrava naše projekte i pomaže članovima organizacije. Do sada je finansirala projekte kursa šivenja i škole kompjutera i engleskog jezika.

Šivenje i edukacija Engleskog jezika i kompjutera:

2005	2006	2007	2008
Škola šivenja za 10 članica	Škola kompjutera + engleskog jezika	Škola kompjutera + engleskog jezika	Nabavka šivaćih mašina I šivaćeg materijala (zajedno sa MRSP i Allianz)

CARITAS

Caritas je organizacija koja je podržala do sada dva naša projekta u 2006 i 2008. godini.

2005	2006	2007	2008
	Projekat Škole šivenja za 10 članica		Nabavka motokultivatora za Goražde

Healing–Hands Network

Healing–Hands Network-britanska organizacija već punih 5 godinu pruža usluge masaže i bioenergije članovima organizacije, i do sada je njihov tretman prošlo preko 550 članova naše organizacije

Tretmani masaže i bioenergije:

2005	2006	2007	2008
65 članova	70 članova	73 članova + člnovi iz Hadžića, Ilijaša i Vogošće	75 članova + članovi iz Hadžića, Ilijaša i Vogošće

Njemačka ambasada

U 2007. godini njemačka ambasada je obezbjedila nabavku industrijskih šivaćih mašina, materijala i šivaćeg pribora za školu šivenja u vrijednosti od 16.380 KM.

Nabavka š. mašina i materijala:

2005	2006	2007	2008
		Nabavka industr. šivaćih mašina i materijala za šivanje	

Škola Engleskog jezika u prostorijama našeg Saveza

Ova škola počela je sa radom prije 5 godine gdje zajedno sa mladim američkim volonterima predajem i podučavam Engleski jezik članove naše organizacije.

Već godinu i pol dana na ovoj istoj školi su uključene i britanski i američki predavači Engleskog jezika iz organizacije IWC-Internacionalni klub žena koji volonterski rade za ovu

organizaciju, a važno je istaći da imamo tri grupe: početnu, intermedijarnu i naprednu grupu.

Škola Engleskog jezika:

2005	2006	2007	2008
13 članova	23 člana	22 člana	17 članova

Njemačka organizacija

Njemačka organizacija je ove godine odobrila finansiranje projekta za školu šivenja u iznosu od 4.300 eura, što su naše članice upotrijebile za nabavku materijala i šivaćeg pribora.

Materijali i šivaći pribor:

2005	2006	2007	2008
			Nabavka materijala i šivać. pribora)

III Saradnja sa institucijama, firmama i pojedincima:

JKTP"Gras"

JKTP Preduzeće "Gras" već četiri godine odobrava popust na mjesečni kupon za gradski prevoz za članove organizacije u iznosu od 29,30 KM i taj kupon vrijedi za sve zone na cijelom sarajevskom kantonu.

Gradski kuponi:

2005	2006	2007	2008
60 članova	110 članova	150 članova	160 članova

Status CŽR-a

U 2006. godini su članovi naše organizacije aktivno učestvovali u kampanji "Za dostojanstvo preživjelih" koja je pokrenuta nakon premijere filma "Grbavica", dobitnika prestižne nagrade "Zlatni Medo" na berlinskom filmskom festivalu. Ujedno je to bila i podrška usvajanju izmjena postojećeg zakona iz oblasti socijalne zaštite i zaštite civilnih žrtava rata, radi ostvarivanja prava žena preživjelih ratna silovanja i regulisanja prava osoba koje su preživjele ratnu torturu. U prilogu potrebne dokumentacije za priznavanje statusa CŽR-a ispred naše organizacije pišemo urgenciju za naše članove, kako bi pomogli u što uspješnijem regulisanju njihovih prava. Do sada smo izdali 615 rgencija, ali se tačan broj onih koji su ostvarili još ne zna. Pretpostavlja se da se taj broj kreće između 130-180, sa čime svakako nemožemo biti zadovoljni.

Ispisane urgencije:

2005	2006	2007	2008
	272 urgencije	325 urgencije	18 urgencije

Institut za ocjenu radne sposobnosti

Već nekoliko godina predstavljamo naše članove pred ljekarskom komisijom kod Instituta za ocjenu radne sposobnosti kako bi posredovali u ostvarivanju njihovih prava na prijevremenu penziju ili invalidninu po osnovu statusa RVI.

	2006	2007	2008
Prijevremena penzija	3 člana	8 članova	6 članova
Status RVI	3 člana	2 člana	

Regulisanje zdravstvenog osiguranja

Pomogli smo u regulisanju zdravstvenog osiguranja članova putem Zdravstvenog osiguranja Kantona Sarajevo za 26 članova, koji su iz raznih razloga ostali uskraćeni za to pravo putem zavoda za zapošljavanje (probijanje termina i sl) što se naročito dešavalo u 2006. godini.

Regul. zdrav. osiguranja:

2005	2006	2007	2008
9	13 članova	4 člana	

Posredovanje u zapošljavanju članova

Posredovali smo u zapošljavanju 26 članova naše organizacije, pisanjem dopisa ili posjetom direktora nadležnih institucija tako da je 10 njih uspjelo ostvariti radni status na što možemo, u ovom opakom vremenu enormne nezaposlenosti, ipak biti malo ponosni.

Zapošljavanje:

2005	2006	2007	2008
	2	6	2

Kampanja „Za dostojanstvo preživjelih“ 2006.godine

Nakon premijere filma „Grbavica“ u sarajevskoj Zetri sredstva prikupljena od prodaje ulaznica su donirana članovima naše organizacije koji su bili uključeni u kampanju tj. prikupljanje potpisa za podršku donošenja Zakona o CŽR-a, kojim su obuhvaćeni žene žrtve rata i drugi koji su preživjeli razne oblike psiho-fizičke torture tokom zatočenja u logorima.. U podjelu sredstava su uključene žene preživjele silovanja sa područja našeg Kantona kao i članice koje su glumile u filmu i dale sjajan doprinos uspjehu filma.

2005.godina	2006.godina	2007.godina	2008.godina
	46 žena po 197 KM (žrtve silovanja i učesnice na filmu)		
	i 50 članova po 160 KM (prikupljanje potpisa)		

Alexandra Štiglmajer

Bivši portparol OHR-a Alexandra Štiglmajer je u dva navrata donirala novčana sredstva u vidu jednokratne pomoći za članice asocijacije, a koje su predložene ispred svojih udruženja.

2005	2006	2007	2008
		38 čl.(po 98 KM)	16 čl. (po 100 KM)

Donacije pojedinaca iz inostranstva

S obzirom da imamo otvorenu Web stranicu, trebamo pomenuti da je nekoliko osoba iz inostranstva koja su pretraživala naš web site uplatila sredstva na račun organizacije kao simbolični doprinos jačanju organizacije.

2005	2006	2007	2008
Melani Stephens 697,37 KM Esmor Davies- 819,50 KM Belma svedska - 259,78 KM		Kornelija Diethelm- 596,39 KM Hans Hetrih- 237,98 KM	Reug Bachan- 234,70 KM

IV Učešće u organizaciji pojedinih manifestacija:

-Prisustvovali smo ciklusu od 6 okruglih stolova u organizaciji Ministarstva za ljudska prava, Ureda Visokog komesarijata za ljudska prava i Fondacije Lokalne Demokratije koja su se bavila problematikom logoraša (rješavanje statusa logoraša), a koje su urodile donošenjem zakona o CŽR-a u 2006. godini, kojim su obuhvaćeni i članovi naše organizacije.

-Prisustvovali smo i aktivno učestvovali na Konferenciji pod nazivom "Reparacije za žrtve torture" održanoj u organizaciji S.L.BiH. u 2006 godini.

-Kao kantonalni Savez bili smo organizatori manifestacije "Dan logoraša 9 Maja" u Goraždu 2005. godine i u Vogošći 2008. godine i Hadžićima 2009. godine -polaganjem cvijeća

na spomen obilježje poznatog logora " Sonja " i "Planjina Kuća", zatim prisustvovali smo obilježavanju Dana Logoraša općine Novi grad 17 Juna, Dana logoraša općine Ilijaš, Hadžići i Vogošća. polaganjem cvijeća na spomen-ploče ili spomen obilježja u pomenutim općinama. Naši članovi su također prisustvovali manifestaciji Dana logoraša 9 Maj u Brčkom, koje je organizovao Savez Logoraša BiH. Sa Min. za boračka pitanja posjetili smo Sokolinu, mjesto gdje konzerviran autobus kao spomenik i simbol najvećeg zločina i stradanja stanovnika Ahatovića iz perioda rata, koji su ujedno i članovi naše organizacije.

-Prisustvovali smo masovnoj demonstraciji u Potočarima- Srebrenica u 2006 i 2007. godini

-Prisustvovali smo Konferenciji pod nazivom „Stradanja o Foči“ u Beogradu u organizaciji direktorice Fonda za humanitarno pravo gospođe Nataše Kandić,

-Prisustvovali smo svjedočenju članova naše organizacije u Palati pravde u Beogradu, na sudu pred kojim se vodi postupak protiv odgovornih za mučenja i torture naših članova u logorima "Šljivovica " i "Mitrovo polju" u Srbiji.

-Prisustvovali smo nekolicini seminaru u organizaciji Caritas "Izgradnja mira i pomirenje kroz ojačavanje udruženja porodica", koje Caritas već dugi niz godina aktivno organizuje.

- Imamo saradnju sa uredom Haškog Tribunala, koja je naročito bila intenzivirana u 2005 i 2006 godini, kao i sa Sudom za ratne zločine BiH, gdje se naši članovi uredno odazivaju sudskim pozivima. Ono čime nismo zadovoljni jeste činjenica da još ni do danas nije započelo procesuiranje ratnih zločinaca sa područja Ilijaša, iako smo u više navrata dostavljali dopise Tužilaštvu za ratne zločine Suda BiH o konačnom početku istog.

-Prisustvovali smo Skupštini Saveza logoraša BiH održanoj u Sarajevu, Travniku i Ključu i kao kantonalna organizacija dali svoj doprinos jačanju na federalnom nivou.

-Također u organizaciji Ministarstva za boračka pitanja prisustvovali smo okruglom stolu na temu "Kalendar obilježavanja značajnih datuma i događaja u sarajevskom kantonu" u organizaciji Min.za boračka pitanja (prisutni bili predstavnici iz OUL-a iz Ilijaša, Vogošće, Hadžića i Starog grada i Centra)

-Na poziv "Kewsera"- ženske nevladine organizacije članice naše asocijacije su prisustvovala prodajnoj izložbi ručnih i umjetničkih radova u Kuršumli medresi u 2005. i 2006. godini.

-U 2007. godini smo putem Saveza Logoraša BiH pokrenuli vrlo važan projekat „Podizanje tužbi za nadoknadu nematerijalne štete“ koji vodi advokatski tim Josipa Sladića iz Siska, i do sada je oko 420 naših članova iz sarajevskog Kantona predalo tužbeni zahtjev.

-Redovno smo prisustvovali sjednicama koordinacionog Odbora svih boračkih populacija KS.

Rad Sulks-a i njegovih organa

Sve naprijed navedeno što je urađeno dobro ili manje dobro, u cijelini su realizovali organi Sulks-a, UO, pojedinci pa je potrebno u najkraćem dati komentar njihovog rada.

Upravni odbor Sulks-a:

UO Sulks-a održao je u periodu od 2005. godine do 2008. godine 34 sjednice i razmatrao ukupno 163 tačke dnevnog reda.

2005	2006	2007	2008
8 sjednica	4 sjednice	10 sjednica	11 red. + 1 vanred. sjednica

Sjednicama UO su redovno prisustvovali članovi UO iz slijedećih udruženja: OUL-Novo Sarajevo, Novi Grad, Ilidža, Foča, Goražde, OUL Hadžići, Ilijaš, Vogošća, dok OUL Stari grad i Centar, koji su nakon četiri godine održali Skupštinu u ljetnom periodu 2008. godine sada su aktivno uključeni u rad UO naše organizacije.

Prema broju sjednica, prema broju tačaka dnevnog reda koja su na njima razmatrana i prema broju donesenih zaključaka može se zaključiti da je UO bio znatno angažovan u proteklom periodu.

Aktuelni problemi organizacije

Ono čime nismo zadovoljni jeste procedura podnošenja zahtjeva za priznavanje statusa civilne žrtve rata koja je neprihvatljiva za žrtve torture logora. Podnesak za priznavanje statusa CŽR-a zahtjeva da žrtva torture logora mora imati medicinsku dokumentaciju (nalaze) u kontinuitetu što podrazumijeva period neposredno nakon izlaska žrtve iz logora. Napominjemo da je za vrijeme rata sva medicinska i ljekarska aktivnost uglavnom bila usmjerena na liječenje i spašavanje stanovništva, civila i pripadnika Armije kod kojih je nastupilo oštećenje organizma u vezi sa ratnim događajima: granatiranje, bombardovanje, snajperski hici. Svi RVI-i i CŽR-a po osnovu ranjavanja imali su osigurano liječenje, pa se time i podrazumijeva medicinska dokumentacija u kontinuitetu.

Za razliku od njih, članovi logoraške populacije nisu imali uslove za medicinsko-psihološko zbrinjavanje tokom rata, tako da je većina njih bila prepuštena sama sebi i ratnom vihoru.

Prestankom ratnih dejstava većina članova nije imala regulisano zdravstveno osiguranje, što je uzrokovao da su se posljedice torture potiskivale dugi niz godina. Naime, stalno moramo naglašavati pred svim relevantnim institucijama da traume zadobijene tokom zatočenja u konc. logorima ne mogu imati vremensko ograničenje i da se u BiH u cjelini susrećemo sa kasnim posljedicama torture.

Ista stvar je i sa rješavanjem statusa boraca-branitelja koji su bili zatočeni po logorima, zbog čega je pred Vladom Federacije 9 maja ove godine održan protestni miting sa ciljem da izrazimo nezadovoljstvo, očaj i ogorčenje spram odnosa aktualne vlasti prema ovoj populaciji i da se konačno ova populacija, odnosno ratni vojni zarobljenici uvedu u Zakon kao kategorija RVI- sa priznatim 20% invalidnosti.(ex-legale), kao uostalom i svi članovi-civili logoraši koji su bili zatočeni po logorima sa minimum 60% invalidnosti.

Postoje neke indicije da bi se se konačno ovo pitanje trebalo riješiti u narednoj godini na čemu treba intenzivno istrajavati.

ZAKLJUČAK:

Treba konstatirati da je protekli period dobrim dijelom obilježen na realizaciji obaveza i najbitnijih aktivnosti iz Programa, koje smo usvojili na prošloj Skupštini.

Ovim izvještajem obuhvaćen je četverogodišnji period rada SULKS-a. U svome radu Sulks je ostvario značajne uspjehe, ali je imao i problema koje je nastojao da na demokratski način riješi.

Nameće se zaključak da se trebaju nastaviti sve aktivnosti prvenstveno u vezi zakonske regulative statusa ratnog vojnog zarobljenika i općenito statusa logoraša kao i aktivnosti usmjerene na poboljšanje uslova života onih koji su bili žrtve torture logora.